

Mī-pau Ki-khì

A-eng, 2000.9.27.

Jī-ché ñng-tang chêng sàng góa chit-tâi chò mī-pau ê ki-khì. I kóng sī pêng-iú tèk-piát tī Bí-kok b é tng-lâi sàng--i..ê. Góa chiū án-ne, kã hōe lêng hiâm tìn-tè ê mī-pau ki-khì chiap--kòe--lâi. Thèh chhut só-hù ê sit-phó khí lâi khòaⁿ, chò mī-pau ê khai-li âm iah-sī bô chìn jip khi góa ê thâu-khak té. Sít-phó kóng, nã chò bōe hó-sè, chit-pái kan-taⁿ ē-tit kái-piàn chit-hāng in-sò. Nã chò ê mī-pau bô sêng-kong, in mã liát-pió hōe lêng chai-iaⁿ án-chóaⁿ tùi góa-piáu phòan-tōan sī tó chit-ê in-sò bô hó-sè, ài án-chóaⁿ tiâu-chéng chiaⁿ ē sêng-kong. Pit-kèng sī sehong bûn-bêng ê sán-bút, liân chò mī-pau mã chin ù kho-hák cheng-sîn. Khòaⁿ tiòh chiaⁿ-nih chē ē sit-pái

ê khó-lêng, sòa hōe góa tâu-tū m̄-káⁿ chhi. Chit-tâi góa-hêng ù hiân-tâi-kám, sintat-tah ê chò mī-pau ki-khì tiòh án-ne hōe góa koaiⁿ tī áp-á té.

Kin-ni hioh-jòah, saⁿ-ché lâi thit-thô. I sūn-sòa kã góa i tú-á òh ē-hiáu, chò kah jiát-phut-phut ê se-tiám “cheese cake” kap “jiók-kù i-piáⁿ”. Bô siūⁿ--tiòh, hōe i chhōa chit-ê sòa chhōa-chhut góa chò se-tiám ê chh ù-bī. Ông-lâi-sò, hêng-jîn pòh-piáⁿ, lèk-tâu-phòng, ke-ñng-ko....., chit-hāng chhi kòe chit-hāng, ná chhin-chhiūⁿ chit-tiâu soh-á giú bōe soah. Sui-jiân bô chhi-bīn siông teh chò..ê hiah-nih hó khòaⁿ-thâu, m̄-kú chin sít-chāi iah ka-cheng seng-òah ê chhù-bī.

Chit-tiâu soh-á chit-má giú tiòh chit-tâi chò

mī-pau ê ki-khì--ah. Góa thèh chhut keh-piah Iú-thà i-thài Tâi-chè chò mī-pau ki-khì ê sít-phó soat-bêng kap Bí-kok-pán..ê chò pí-kàu, chân-chân kã chài-liâu khng--lòh--khì. Khiâm-khoat sú-iông ki-khì ê soat-bêng-su, bong pòⁿ-pó chiaⁿ kiò-chhiⁿ chit-tâi chêng chhut-si tiòh khùn kà u chit-má ê ki-khì. Chiū án-ne, góa him-sióng tiòh chit-tiūⁿ tèk-piát ê thiâu-bú piáu-ián. Bú-chiá sī tâu tī ki-khì ē-bīn, chit-ki chhun--chhut--lâi ê mōh-tà kap chit-ôan mī-thôn. Khí-chhó, siaⁿ-im sè-á-siaⁿ-á, kha-pó chin bân, óaiⁿ--chit--ē koh tng--chit--ē. Bô kúi hun-cheng āu, kha-pó thêng--leh, hut-jiân ôaⁿ chit-ê tiâu, kha-pó kín koh ù lát. Mī-thôn chin kín tiòh hêng-sêng ah, siang-

lêng teh thiâu ê bú mã lú lâi lú sim-sek, ē-tit kóng háp-chok ôan-bí. Chit-khùn-á ná teh thiâu iⁿ-bú, it-tit sèh khó-lìn, chit-niá iⁿ-kûn sèh kah phòng-phòng-phòng. Chit-khùn-á kui-ôan iⁿ-lín-lín, tōng-chok khiok chin liú-liáh, óat-thâu tng-bīn hó chhin-chhiūⁿ choan-giáp ê bú-chiá, hōe góa khòaⁿ kah bû-sà-sà. Chit-si sī chin tâi-chai ê siok-lú, bák-chit-nih koh piàn-sêng chin òah-kut ê gín-á, thiâu khí mōh tī piah-piⁿ, kan-taⁿ giú--chit--ē, koh peh khí lêng-góa chit-pêng, peh kôan peh kē bô sī thêng. Góa ka-kī khòaⁿ kah jím bōe tiâu, chit-ê lêng chhiò hai-hai. Hiân-tâi kho-kī chin chiáⁿ ē piàn mô-sút. Kòe nã khâm tiâu--leh, siáⁿ lêng ē chai lâi-té sī teh bú chit-chhut chiaⁿ-nih súi koh ù chhòng-i ê bú-leh.

Góa chai-iaⁿ, āu-pái góa it-têng ē hōe i chin chē ê ki-hōe thiâu-bú, pó-sióng i kòe-khì ê ut-chut. Aū-pái góa nã bô-êng thang him-sióng i thiâu-bú ê sī, kan-taⁿ thiaⁿ tiòh siaⁿ, góa ê thâu-khak té tiòh ē hián chhut i teh thiâu-bú sim-sek kap khòai-lók ê hêng-iaⁿ.